

# Reglamaint

## davart il parcar veiculs a motor sün terrain public (Reglamaint da parcar pel cumün d'Ardez)

---

### Art. 1 Noziun

<sup>1</sup> Sco piazzas da parcar publicas sün terrain public valan ils lës da parcar generalmaing accessibels, signalisats resp. marcats per veiculs a motor, e quai sün vias e piazzas publicas, sün terrain cumünal sco eir sün areals cha'l cumün ha il dret d'utilisaziun.

<sup>2</sup> Sco piazzas da parcar reservadas sün terrain public valan quellas piazzas chi vegnan missas a disposiziun – cun contrats da servitut o tras fittada - a proprietaris d'immobiglias sco cumpensaziun per piazzas obligatoricas chi mancan sün terrain privat.

### Art. 2 Concept da parcar

<sup>1</sup> La suprastanza cumünala fa ün concept da parcar sco basa per las masüras chi han da gnir ordinadas.

<sup>2</sup> Il parcar sün terrain public vain reglà cun üna limitaziun locala e temporala.

<sup>3</sup> Sün areals in cumün respectiv illa zona cun scumond da parcar esa scumandà da parcar sün terrain public dadour las piazzas signalisadas.

<sup>4</sup> La suprastanza cumünala determinescha differentas categorias da piazzas da parcar sün terrain public.

<sup>5</sup> Per arrandschamaints specials po la suprastanza cumünala annullar temporariamaing las limitaziuns da parcar. Pel listess motiv po il cumün eir decretar scumonds da parcar temporars.

<sup>6</sup> Schi'd es pussibel da chargiar e s-chargiar marchanzia, dad exeguir servezans e simlas chosas be davent da plazzas da parcar cun limitaziun dal temp o chi sun dadour las plazzas da parcar marcadas, lura po l'administraziun cumünala dar ün permiss limità temporalmaing, quai pel surpassamaint da la dürada da parcar maximala resp. pel parcar dadour las plazzas da parcar marcadas.

<sup>7</sup> In cas chi vain parcà cun permiss dadour las plazzas da parcar marcadas, esa da pisserar cha l'ulteriur trafic nu gnia disturbà e cha la sgürezza sün via saja garantida. Las disposiziuns da las autoritads cumünalas ston gnir rispettadas.

### **Art. 3 Taxas da parcar**

<sup>1</sup> La suprastanza cumünala po introdüer in cas da bsögn l'oblig da pajar taxas per plazzas da parcar i'l spazi public.

<sup>2</sup> Per quai fixescha la suprastanza cumünala las taxas da parcar per las differents categorias da plazzas da parcar in ün rom tanter fr. 1.00 e fr. 3.00 l'ura. Pel parcar a lunga dürada a partir d'ün tschert temp po la suprastanza cumünala fixar üna tariffa plü ota resp. plü bassa. La suprastanza cumünala adatta tenor il rom fixà adüna darcheu las taxas a l'incharimaint ed ad eventualas situaziuns novas.

### **Art. 4 Plazzas da parcar reservadas sün terrain public**

<sup>1</sup> Il cumün metta a disposiziun a proprietaris da bains immobigliars chi nu pon eriger sün lur parcella las plazzas da parcar obligatoricas tenor la ledscha da fabrica, las plazzas da parcar correspondentas sün areals da parcar cumünals.

<sup>2</sup> Las plazzas da parcar obligatoricas chi mancan vegnan missas a disposiziun als proprietaris da bains immobigliars seguond las disposiziuns da la ledscha da fabrica. Quai succeda cun conceder drets d'utilisaziun da plazzas da parcar in fuorma d'ün servitut fonsil o cun tillas dar a fit.

<sup>3</sup> Las plazzas da parcar missas a disposiziun dal cumün pon gnir utilisadas unicamaing dals abitants dal terrain (autorisà) e da lur visitas. Üna fittada respectiv suotfittada o ün'otra cessiun da las plazzas da parcar a terzs nun es admissa.

Sün las plazzas da parcar pon gnir parcats be veiculs a motor fin ad ün pais total da 3'500kg sco eir töfs leivs, pitschens e veiculs da trais roudas i'l sen da l'ordinaziun davart las pretaisas tecnicas per veiculs stradals (OPTV, DS 741.41). I nun es admiss da parcar oters veiculs a motor, sco auto-rulottas, remuorchs, maschinagriculas e sumgliants.

<sup>4</sup> L'indemisaziun per la concessiun d'ün servitut da plazzas da parcar vain fixada da la suprastanza cumünala tenor las directivas da la ledscha da fabrica. L'indemisaziun cuverna ils cuosts dal cumün per l'acquist dal terrain sco eir quels per la construcziun e la marcaziun da las plazzas da parcar. Percunter pajan ils possessurs dal dret da servitut ils cuosts per renovaziuns, specialmaing per renovar il catram. Resalvada resta plünavant la partecipaziun vi dal mantegnimaint e la gestiun da las plazzas da parcar.

<sup>5</sup> Ils fits per plazzas da parcar reservadas vegnan fixats da la suprastanza cumünala in basa dals agens cuosts dal cumün.

<sup>6</sup> Ils cuosts pel mantegnimaint e la gestiun da las plazzas da parcar inclusiv la sgombrada da la naiv vegnan miss in quint minch'on a basa da las expensas efectivas als possessurs dal servitut ed als fittadins.

## **Art. 5 Müdamaint da las relaziuns**

<sup>1</sup> Scha l'implant da parcar public inchargià cun ün servitut vain spostà o scha'l cumün vess d'eriger novas plazzas da parcar in vicinanza da la parcella autorisada, lura es il proprietari dal terrain oblià da spordscher man sün giavüsch dal cumün al transferimaint dal dret d'utilisaziun da la piazza da parcar.

<sup>2</sup> Scha'l proprietari metta a disposiziun plü tard plazzas da parcar obligatorias sün la parcella autorisada o in ün oter lö sün terrain privat o scha'l bsögn d'utilisaziun da la piazza da parcar scrouda per oters motivs, lura sun ils usufructuaris - sün giavüsch dal cumün - obliats da renunzchar a'l servitut da plazzas da parcar e ston laschar stüder il servitut aint il cudesch fundiari e pajar üna taxa.

<sup>3</sup> La taxa per renunzchar al dret d'utilisaziun da las plazzas da parcar corre-spuonda a la taxa pajada pro la concessiun main 10% per mincha on cumanzà tanter la concessiun e la dissoluziun dal servitut.

<sup>4</sup> A cundiziun da las premissas circumscriittas ill'alineia 1 po la suprastanza cumünala desdir eir la fittada da plazzas da parcar reservadas, quai sül termin cha las plazzas da parcar preparadas in ün oter lö vegnan missas in funcziun resp. cha l'interess vi da quellas scrouda.

## **Art. 6    Entrada in vigur**

<sup>1</sup> Quist reglamaint da parcar aintra in vigur cun l'acceptaziun da la radunanza cumünala dals 29 november 2011

**PER LA RADUNANZA CUMÜNALA TARASP**

Il capo:

l'actuar:

Jon Peider Strimer

Gian Marc Dosch